

«силиаканду би чоломба нянга сиахани. Мишутка
сиапангини чу улэнди амтанку-мат бичини.

Арчокан тэйчэхэни. Дэрэ дякпадоани илан
тэнкувэ ичэхэни. Эмдимэ даи тэнку, эй — Михаил
Иванович тэнкуни бичин; гойдима чадой нучилэ
бичини, эй — Настасья Петровна тэнкуни бичин;
илиачиа тэнку-тэни нучикукэн, нёнгианди бой-
коку чиптукэнку бичин, эй — Мишутка тэнкуни
бичин. Нёани даи тэнкучи мокчайчахани, тотара
тухэни. Тотапи нучилэ би тэнкуду тэхэни, чаду
монян бичин. Тотапи нучикукэн тэнкуду тэ-
хэни, тотара инэктэлүхэни — тэнг улэн бичин.
Нёани, нёнгиан чамикамба путунчии дяпара,
сиалохани. Чоломба чунгну сиара, тэнкуду бэ-
бэкэчилүхэни.

Тэнкукэн бояхани, арчокан паланчи тухэни.
Нёани илигохани, тэнкукэмбэ тэрэк илгамого-
хани, тотара гой гиалакочи ихэни. Чаду илан
кровать бичини: эмдимэ даи, эй — Михаил Ива-
нович кроватини бичин; гойдима нучилэ би,
эй — Настасья Петровна кроватини бичин; илиа-
чиа-тани нучикукэн, эй — Мишеньканги бичин.
Арчокан даи кроватиду акпанкини, чаду кэту-дэ
гүхэ бичин. Нучилэ би кроватиду акпанкини,
эй кровать кэту-дэ гогда бичини, тотапи нучи-
кукэн кроватиду акпанкини. Эй кровать нёан-
доани тэнг ачахани, арчокан чаду онгаса-
хани.